



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XLIV. De Expulsione Switergal de Ducatu Lithvaniae & sublimatione
Sigismundi.

urn:nbn:de:hbz:466:1-11850

(c) De hac voce sic differit Jacobus Hovellus in lib. de Præced. & Legatis Sect. 4. §. 1. p. 280. *Ambassi & Ambascii, fluit ex voce Ambachten quæ significat operari. Et in antiqua lingua Gallorum sive Celtarum Ambacht servum olim indigitavit, à qua voce non abludivit illa bachken, quæ hodie in Cambria servum denotat. Hinc & ambactus vox apud Tacitum (Cæsarem potius lib. 6. de Bell. Gall. cap. 4.) occurrens deducitur, qui in hæc verba loquitur: Galli plurimos circum se ambactos clientesque habent. Adeo ut Ambasciator hinc deductus eo devenit, ut regni servus sit seu minister honorabilis. In aliquibus enim S. Scriptura personibus Paulus Dei gratia Diaconus & Ambasciator nuncupatur. Itali vero contendunt Ambasciatore posse non malè deduci ab antiquo illo Hetrusco vocabulo Bascer, quod idem est cum Hebræo, idemque sonat quod nuncio, memoro, declaro. Nonnulli vero somniant hanc vocem originem suam trahere ab illa vocula ambo, idè quod inter ambas partes Legatus medius intercedat. Hæc Hovellus. Conf. Turneb. lib. 14. Advers. cap. 14.*

(d) *Briga* est lis sive contentio, à Gallico *Brigve* i. e. lis, jurgium. Unde *imbrigare* Barbaris Scriptoribus est liti involvere.

CAP. XLIV.

De

Expulsione Switergal de Ducatu Lithvania & sublimatione Sigismundi.

Pendentibus itaque treugis biennialibus supra dictis Dominus Boleslaus alias Svvitergal de Magno Ducatu Lithvania supplantatus expellitur, & alius videlicet (a) Sigismundus in Magnum Ducem proficitur, sicque in eodem Ducatu Lithvania maxima oritur scissura, gentis in gentem surrectio, sanguinis ingens effusio & terrarum vastatio perhorrenda.

ANIMADVERSIO.

(a) Sigismundus I. ex Kievstuti Magni Ducis familia, in quam Witoldus Principatum intulerat, oriundus erat. De quo Vid. Kojalovicz. part. 2. *Hist. Lithv. lib. 4.*

Kkk 3

CAP.